

**Sena - Udidi-Kuipa Manyerezero Bukhu ya Mulungu - Good-Bad Mind  
Scriptures**

**Udidi Manyerezero Bukhu ya Mulungu - Good Mind Scriptures**

**Marku - Marki 5:15 Mudafika iwo dhuzi na Yezu, aona mamuna unowu akhakhala na mizimu mizinji ya kuipa, mbali nawa, amala bvala nguwo pontho mbali na ndzeru zace za kubaliwa. Iwo mbakhadzadzamira na kugopa.**

**Luka 8:35 Na tenepo, mbumba yaenda kaona pikhadacitika. Mudafika iwo dhuzi na Yezu, aona kuti mamuna ule akhadabuluswa mizimu ya kuipa ali nawa n'khundu mwa Yezu, amala bvala nguwo, pontho mbali na ndzeru zace za kubaliwa. Iwo agopserwa nappyo.**

**Machitiro - Mabasa 17:11 Anthu a ku Bhereya, akhali anthu akhasaka kudziwa kupiringana anthu a ku Tesalonika, thangwi atambira fala na ntima wawo onsene, mbakhadinkisa ntsiku zonsene Bukhu ya Mulungu, toera aone ngakhala pyonsene ndimo mwenedi.**

**Machitiro - Mabasa 20:19 Ndaphatira basa Mbuya na kupicepesa konsene, pontho na misozi ya kuleserwa kukulu pa makunje adacitirwa ine na madjuda.**

**ARoma 7:25 Ndisapereka takhuta kuna Mulungu na thangwi ya Yezu Kirixtu Mbuya wathu. Na tenepo, ine ndekha mu ndzeru zanga, ndine n'dzakazi wa Mwambo wa Mulungu. Mbwenye pa nyama, ine ndine n'dzakazi wa mwambo wa kudawa.**

**ARoma 8:6 Thangwi manyerezero a nyama ndi kufa, mbwenye manyerezero a Nzimu Wakucena ndi upulumuki na ntendere.**

**ARoma 8:27 Mphapo ule anasaka kudziwa piri m'mitima mwathu, asadziwa ndi ninji pinafuna Nzimu, thangwi Nzimu Wakucena usaphemberera mbumba yace ninga munafunira Mulungu.**

**ARoma 11:34 Ndi ani anadziwa ndzeru za Mbuya? Peno ndi ani anakwanisa kumulanga?"**

**ARoma 12:2 Lekani kusangizira dziko, mbwenye cinjikani mukhale anthu apsa pa manyerezero anu, toera mukwanise kulesera na kudzindikira kufuna kwadidi, kwakukoma na kwakukwana kwa Mulungu.**

**ARoma 12:16 Khalani na makhaliro mabodzi ene m'bodzi na m'bodzi. Lekani kupikuza, mbwenye funani kuphatana na anthu akupwazika. Lekani kukhala na manyerezero a udziwisi n'kati mwanu.**

**ARoma 14:5 Unango asasiyanisa ntsiku ibodzi na indzace. Unango asanyerezera kuti ntsiku zonsene ndi sawa-sawa. M'bodzi na m'bodzi akhonde kudenula pinampanga ntima wace.**

**ARoma 15:6 toera na ntima ubodzi basi, ponho na mulomo ubodzi basi, mukuze Mulungu, Baba wa Mbuya wathu Yezu Kirixtu.**

**1 AKorintu 1:10 Abale anga, ndisakuphembani pikulu kakamwe na dzina ya Mbuya wathu Yezu Kirixtu, kuti monsene mulonge cinthu cibodzicene, toera pakhonde kuoneka phambulo pakati panu, mbwenye muphatane pa manyerezero anu, na ndzeru zibodzi zene.**

**1 AKorintu 2:16 Thangwi “mbani adadziwa manyerezero a Mbuya toera akwanise kum'pfundzisa?” Mbwenye ife tina manyerezero a Kirixtu.**

**2 AKorintu 7:7 Ponho si thangwi ya kubwera kwace basi tayu, mbwenye ndi thangwi ya kum'balangazambo kudancita imwe. Iye alonga kuna ife na thangwi ya citsuwo, kutsukwala, ponho na thangwi ya kunentseka kwanu na thangwi yanga. Na tenepo, kukomerwa kwanga kwatekereratu kakamwe.**

**2 AKorintu 8:12 Thangwi ngakhala kulipo kufuna kwakupasa, kusonkha kusatawirirwa na pire pina iye munthu, si na pire pidasowa iye tayu. (1 AKronike 28:9)**

**2 AKorintu 9:2 Ndisadziwa kuti musafuna muphedze, ponho ine ndapangisa kale kuna abale a kudziko ya Masedhonya, kugaya kunacita ine na thangwi yanu, kuti kutomera caka cidamala, imwe a ku Akaya, mukhadamala kusasanyira kuti mucite nsonkho-nsonkho. Ponho kufuna kwanu kupasa, kwacita kuti kupasembo mphambvu anthu azinji.**

**2 AKorintu 13:11 Nkhabe pinango abale anga, tsandzayani! Kulani mu nzimu, matamizanani, khalani na manyerezero mabodzi ene, khalani mu ntendere. Mulungu wa kufunana na wa ntendere anakhala na imwe.**

**AEfesu 4:23 toera mucinjike mu nzimu manyerezero anu,**

**AFilipi 2:2-5 dzazani kutsandzaya kwanga, mukhale na ndzeru zibodzi zene, na kufunana kubodzi kwene, na nzimu ubodzi ene ponho na manyerezero mabodzi ene. 3 Lekani kucita cinthu na umbirimu peno na kupikuza, mbwenye mucite na kupicepesa, mbamudziwa kuti alipombo anango kupita imwe. 4 M'bodzi na m'bodzi mbaleke kutsalakana udidi wace ekha basi, mbwenye mbatsalakanembo udidi wa andzace. 5 Macitiro anu mbakhale mabodzi ene ninga Kirixtu Yezu.**

**AFilipi 4:2 Cinaphemba ine kuna Ivodhya na kuna Sintike ndi ca kuti mukhale anthu akubverana muna Mbuya.**

**AFilipi 4:7 Pontho ntendere wa Mulungu unapiringana manyerezero onseni unati ukoye mitima yanu na ndzeru zanu muna Kirixtu Yezu.**  
**(Izaya - Yesaya 26:3)**

**AKolose 3:12 Na tenepo, ninga anyakusankhulwa a Mulungu, mbumba ya Mulungu na akufunika, khalani na ntsisi zikulu, na udidi, na kupicepesa, na kupipoloza ponho na kupirira.**

**2 ATesalonika 2:2 kuti mukhonde kuzunguzika na kucimbiza kututumuka, peno na ciporofeta, peno na mafala, peno na tsamba inalongwa kuti yakubuluka kuna ife, ninga Ntsiku ya Mbuya yafika kale.**

**2 Timoti 1:7 Thangwi Mulungu hadatipasa Nzimu wa kugopa tayu, mbwenye atipasa Nzimu wa mphambvu, wa kufunana na wa kukhurudzika.**

**Titu 2:6 Ndi pibodzi-bodzi kuna aphale, apase cipapu kuti akhale akukhurudzika.**

**MuHebhoreu - AHeberi 8:10 Mbuya alonga tenepa: Ceneci ndi cibverano cinadza kacita Ine na mbumba ya izarayeli, pakupita ntsiku zenezo. Ndinaikha myambo yanga mu ndzeru zawo, ponho mbandiilembera m'mitima mwawo. Ndinati ndikhale Mulungu wawo, iwo anati akhale mbumba yanga.**

**1 Pedhru - 1 Petru 1:13 Na tenepo, khalani akusasanyira mwadidi manyerezero anu pa pire pinafuna imwe kucita. Cenjerani, ponho mbamudikhira kukoma kwa Mulungu kunafuna kupaswa imwe na Yezu Kirixtu pa kupangizika kwace.**

**1 Pedhru - 1 Petru 5:2 Kumbizani nkumbi wa mabira a Mulungu anaonera imwe. Aonereni mbamukhonda kukakamizwa, mbwenye mucite na ntima wanu onseni, ninga munafunira Mulungu. Lekani kucita penepi na ntima wakufuna cinthu, mbwenye mucite na ntima wanu onseni.**

**2 Pedhru - 2 Petru 3:1 Abale akufunika, iyi ndi tsamba yaciwiri inakulemberani ine cincino. Pa matsamba mawiri awa, ndisasaka kuti ndikukumbuseni toera kulamusira ndzeru zanu zadidi,**

**Tiyago - Yakobo 1:17 Miyoni yonsene yadidi na yakukwana inapaswa ife, isabuluka kudzulu, mbichita buluka kuna Baba wa cieza consene. Iye nkhabe cinjika makhaliro ace ninga mithundzi inakhala mbicinjika.  
(Djobo - Jobu 23:13)**

**Chidziwiso 17:9 “Pano pasafunika ndzeru za udziwisi. Misolo minomwe, nkhulongera pimapiri pinomwe pidakhalira nkazi.**

## **Kuipa Manyerezero Bukhu ya Mulungu - Bad Mind Scriptures**

**Marku - Marki 7:21 Thangwi muntima mwa munthu ndimo munabuluka manyerezero a kuipa, ulukwali, umbava, upandu, upombo, (Ezekyeli 38:10)**

**Luka 12:29 Lekani kunentseka na kusaka kuti munadyanji, peno munamwanji.**

**Machitiro - Mabasa 12:20 Mambo Herodhi akhaidana pikulu na mbumba ya mu nzinda wa Tiru na wa Sidhoni. Mbwenye mbumba ikhadagumanyikana pabodzi pene mbikhasaka kuonana na iye. Iyo yaphemba kuti asekesane na mambo mbaphebza na Bhalaxtu, mamuna akhanyidirika na mambo, thangwi pikhadya iwo pikhabuluka n'dziko ya mambo Herodhi.**

**Machitiro - Mabasa 14:2 Mbwenye madjuda akhakhonda kutawira Yezu, akhakuwizira ale adakhonda kukhala madjuda, kuti aipirwe na abale anyakutawira Yezu.**

**ARoma 1:28 Pontho, na thangwi ya kupwaza kudziwa Mulungu, iye aasiya mbakupwa, toera acite pinthu pyakukhonda kucitika.**

**ARoma 8:6,7 Thangwi manyerezero a nyama ndi kufa, mbwenye manyerezero a Nzimu Wakucena ndi upulumuki na ntendere. 7 Na thangwi eneyo, manyerezero a nyama asaidana na Mulungu, thangwi nkabe kubvera Mwambo wa Mulungu ponho nkabe kwanisa kuubvera.**

**ARoma 11:20 Ndimo mwene. Iwo agwandiwa na thangwi yakukhonda kutawira kwavo. Mbwenye iwe uciri penepo ndi thangwi ya kukhulupira kwako. Leka kupikuza, mbwenye ugope.**

**2 AKorintu 10:5 Tisafudza ndzeru ponho na kupikuza konsene kunapingiza njira zonsene za kudziwa Mulungu, mbatitapata manyerezero awo onsenetra kuti akhale akubvera Kirixtu.**

**2 AKorintu 11:3 Cinagopa ine ndi ca kuti, sawa-sawa ninga nyoka yanyengerera Eva na ucenjeri wace, ndzeru zanumbo zikhonde kudodomewa mbamutayika pa kukhulupira kwanu muna Kirixtu, kwa ndimo mwene na kwakulungama.**

**AEfesu 2:3 Kale ene tonsene ife tikhakhalambo pakati pawo, mbatikhacita kufuna kwa nyama yathu, mbatitowerera kufuna kwa nyama na manyerezero ayo. Ife ninga anthu, tikhakwanira kuoneswa nyatwa na Mulungu ninga anangombo.**

**AEfesu 4:17 Na tenepo, ine ndinakupangani, ponho mbandithimiza na**

**kukupangani muna Mbuya, kuti lekani kukhala ninga anthu akukhonda kudziwa Mulungu, anakhala na manyerezero apezi.**

**AKolose 1:21 Kale ene imwe mukhadamwazana na Mulungu, pontho mu ndzeru zanu mukhali anyamalwa ace, mbamucita mabasa a kuipa. (Misanje 21:27; Ezekyeli 23:17)**

**AKolose 2:18 Lekani kusiya kuti munthu na kufuna kwace kupangisa kucepeseka kwakusangizira pontho na kulambira kwace maanju, akupingizeni kutambira muwoni. Munthu unowu asalonga cibodzi na cibodzi pidaoneswa iye mu nzimu, pontho manyerezero ace a munyama asancita kuti akhale wakupikuza papezi.**

**1 ATesalonika 5:14 Tisakupangani abale anga, kuti musandike anyakupungulum, pasani cipapu anyakugopa, phedzani anyakusowa mphambvu, khalani akupirira kuna onsene.**

**2 ATesalonika 2:2 kuti mukhonde kuzunguzika na kucimbiza kututumuka, peno na ciporofeta, peno na mafala, peno na tsamba inalongwa kuti yakubuluka kuna ife, ninga Ntsiku ya Mbuya yafika kale.**

**1 Timoti 6:5 kuidana kwakukhonda kumala pakati pa ale ana ndzeru zakutaika na adasoweka undimo mwene, ale ananyerezera kuti pyakuphembera ndi pinthu pyakusaka napyo kuwina.**

**2 Timoti 3:8 Ninga Djanasi na Djamberi akhapokanyisa Mozesi, iwombo awa onsene asakhonda kubvera pya ndimo mwene. Ndzeru zaho zamala kutaika. Pinakhulupira iwo mphyapezi.**

**Titu 1:15 Kuna anthu adaceneswa, pinthu pyonsene pyaceneswa. Mbwenye kuna anthu adakhonda kuceneswa na adakhonda kutawira Yezu, nkhabe cinthu cidaceneswa. Ndimo mwene, kuna anthu enewa, ndzeru zaho na manyerezero awo onsene a muntima, mbakuipa.**

**MuHebhoreu - AHeberi 12:3 Toera imwe mukhonde kuneta n'kati mwanu, pontho mukhonde kumala mphambvu, nyerezerani mwadidi Ule adaptirira kuzondiwa kudacitirwa iye ene na anyakudawa.**

**Tiyago - Yakobo 1:8 thangwi ana ndzeru ziwiri, pontho nkhabe kupidziwa pinafuna iye, pa pyonsene pinacita iye.**